

122

der vorig: »Es werden der brüder sechs und dreifsig darvon  
und werden zwen frembde auch mit inen raisen.« Wiewol  
nun dem guten man nit gehewer bei der sach und im nichts  
guts vor war, auch bedaachte, es gieng nit recht zue, iedoch  
5 so schlug er sollichs alles ufser dem sinn, stand uf und  
wollt sich zum kochen (gleichwol er dafür hett, es were  
noch gar zu früe) rüsten. Wie er aber vorm revental für-  
über gehet und ain lauts gebrecht darin hört, als ob vil  
leut darein weren, do verwundert in noch mer. Darum  
10 schleicht er noch näher hienzuo, thut die thür uf. So sicht  
er, das es ganz hell darin war, auch sovil münch an der  
zal, als im der vorig bim bett ernennt, an der taffel sitzen.  
Die waren all in weisem angethon und inen das angesicht  
verbutzt, wie man den todten pflegt. Dem guten koch gehet  
15 ain grausen durch all sein leib, spürt wol, das es ain lauters  
gespenst. Darum zeucht er eilends die thür wider nach im  
zu, kert umb und legt sich wider zu bett. In gar wenig  
tagen hernach so sterben die sechs und dreisig münch ge-  
schwind nach ainandern dahin, dergleichen auch zwen frembde  
20 münch mit inen, waren als gest bei inen [1416] und erst von  
Hamburg zu inen kommen. Hiebei ist abzunemen, das solche  
gespens nit iederzeit sorglich, sonder etwan auch unser ab-  
schaid von diser zergenglichen welt uns durch allerhand mittel  
fürbilden. \*

25 In disem capitel werden vermeldet allerhandt sachen  
von dem wuteshere und andern handlungen, zue Möss-  
kirch und sonst verlossen.

Im jar 1550 hat man das wutteshere zu Mösskirch ge-  
hört. Das ist in ainer nacht zu herpstzeiten nach den zehen  
30 uhren vorm Banholz mit einer grosen ungestimme über die  
Ablach uf Minchsgereut gefaren, und als das ain guete weil  
dasselbs umbher terminiert, ist es die [1077] Herdtgassen  
herabkommen und dann neben dem siechenhaus und unser  
Frawen über die Ablachbrucken, dem bach nach an der  
35 stat, die Katzenstaig hinauf, mit aim wunderbarlichen gedöfs,  
lauten geschrai, clingln und aim grosen luft, so das getriben.  
Es ist nachgends, das sollichs die wächter uf dem thurn und  
ander in der stat wol hören megen, aber finstere und verre  
halb gleichwol nichts sehen künden, dem Herdlin zugefarn,